

ANEXO II

DECLARACIÓN EXPRESA DE AXUDAS SOLICITADAS E CONCEDIDAS PARA AS MESMAS ACTUACIÓNS, E DECLARACIÓN DE NON SE ACHAR INCURSO EN NINGUNA DAS PROHIBICIÓNS PARA OBTENIR A CONDICIÓNS DE BENEFICIARIO DE AXUDAS.Don/Dona con DNI nº en nome e representación da entidade con NIF nº

DECLARA BAIXO A SÚA RESPONSABILIDADE

Que para a actuación denominada

a devandita entidade solicitou ou obtivo as axudas que se relacionan a continuación:

AXUDAS CONCEDIDAS			
ORGANISMOS	ANO	IMPORTE(€)	DISPOSICIÓN REGULADORA
<input type="text"/>	<input type="text"/>	<input type="text"/>	<input type="text"/>
<input type="text"/>	<input type="text"/>	<input type="text"/>	<input type="text"/>
<input type="text"/>	<input type="text"/>	<input type="text"/>	<input type="text"/>
<input type="text"/>	<input type="text"/>	<input type="text"/>	<input type="text"/>
<input type="text"/>	<input type="text"/>	<input type="text"/>	<input type="text"/>
<input type="text"/>	<input type="text"/>	<input type="text"/>	<input type="text"/>

AXUDAS SOLICITADAS			
ORGANISMOS	ANO	IMPORTE(€)	DISPOSICIÓN REGULADORA
<input type="text"/>	<input type="text"/>	<input type="text"/>	<input type="text"/>
<input type="text"/>	<input type="text"/>	<input type="text"/>	<input type="text"/>
<input type="text"/>	<input type="text"/>	<input type="text"/>	<input type="text"/>
<input type="text"/>	<input type="text"/>	<input type="text"/>	<input type="text"/>
<input type="text"/>	<input type="text"/>	<input type="text"/>	<input type="text"/>
<input type="text"/>	<input type="text"/>	<input type="text"/>	<input type="text"/>

Así mesmo, a entidade comprométese a comunicar inmediatamente cantas axudas solicite ou obteña para as mesmas actuacións doutras administracións públicas ou doutros entes públicos ou privados, nacionais ou internacionais, a partir da data desta declaración.

Así mesmo, o representante DECLARA que non se acha incurso en ninguna das prohibicións para obter a condición de beneficiario recollidas nos puntos 2º e 3º do artigo 10 da Lei 9/2007, do 13 de xuño, de subvencións de Galicia.

E, para que así conste ante a Consellería de Cultura e Deporte, asina esta declaración no lugar e na data abaixo indicados.

, de de 200

(Sinatura e selo da entidade)

Orde do 27 de maio de 2008 pola que se establecen as bases reguladoras para a concesión, en réxime de concorrencia competitiva, das axudas para a promoción, produción e edición do libro galego, no que se refire á tradución para outras linguas de obras publicadas orixinariamente en galego e á tradución para o galego de obras publicadas orixinariamente noutras linguas, e se procede á súa convocatoria para o ano 2008.

De acordo coas atribucións que asigna o marco competencial, á Consellería de Cultura e Deporte correspón-

delle crear un clima de enriquecemento cultural na sociedade galega. Para isto cómpre que a cidadanía dispoña de materiais impresos en calquera faceta do desenvolvemento humano actual, no eido da creación, do pensamento, da técnica, do lecer ou calquera outro en que as persoas poidan expresarse, formarse ou transformar a súa percepción esencial do mundo en que habitan.

Así mesmo, a presenza de Galicia no mundo significa que a nosa propia actividade intelectual en calquera plano deixe tamén a súa pegada en territorios lingüisticamente diferenciados de nós, de xeito que, na medida da nosa propia capacidade, contribuíamos

ao avance e evolución das materias que configuran un mundo cada vez máis plural e integrador.

Por este motivo, dentro das responsabilidades que lle competen, no uso das facultades que se lle conferiron, e de acordo co previsto na Lei 9/2007, do 13 de xuño, de subvencións de Galicia, a Consellería de Cultura e Deporte establece as correspondentes liñas de subvención para a versión ao galego de obras publicadas orixinariamente noutras linguas e mais para a versión a outras linguas de obras publicadas orixinariamente en galego, de xeito que se poidan atopar na nosa comunidade e na nosa lingua os textos significativos producidos no exterior, ao mesmo tempo que as nosas autoras e autores contan con vías para exportar a súa produción.

No exercicio destas competencias, a Consellería de Cultura e Deporte quere, con esta orde, establecer un instrumento que, consonte a normativa legal vixente, marque as pautas para unha distribución, segundo os criterios de publicidade, obxectividade e concorrencia, dos recursos destinados ao libro, axustada ao previsto na Lei 9/2007, do 13 de xuño, de subvencións de Galicia.

Na súa virtude,

DISPOÑO:

Artigo 1º.-*Finalidade e obxecto.*

1. Convócanse axudas á produción editorial para apoiar a promoción, produción e edición do libro galego, no que se refire á tradución para outras linguas de obras publicadas orixinariamente en galego e á tradución para o galego de obras publicadas orixinariamente noutras linguas.

2. O procedemento para a concesión das subvencións recollidas nesta orde será tramitado en réxime de concorrencia competitiva, ao abeiro do disposto no artigo 19.1º da Lei 9/2007, do 13 de xuño, de subvencións de Galicia. Co fin de cumprir co principio de concorrencia sinalado, as solicitudes serán examinadas por unha comisión de avaliación, que se axustará aos preceptos contidos no título II, capítulo II, da Lei 30/1992, do 26 de novembro, de réxime xurídico das administracións públicas e do procedemento administrativo común.

3. No desenvolvemento desta orde, observarase o disposto nas seguintes leis e disposicións:

1º Lei 9/2007, do 13 de xuño, de subvencións de Galicia.

2º Decreto 287/2000, do 21 de novembro, polo que se desenvolve o réxime de axudas e subvencións públicas da Comunidade Autónoma de Galicia, no que non se atope derogado.

3º Lei 16/2007, do 26 de decembro, de orzamentos xerais da Comunidade Autónoma de Galicia para 2008.

4º Lei 4/2006, do 30 de xuño, de transparencia e boas prácticas na administración pública galega.

E supletoriamente:

5º Lei 38/2003, do 17 de novembro, xeral de subvencións.

6º Real decreto 887/2006, do 21 de xullo, polo que se aproba o Regulamento da Lei 38/2003, do 17 de novembro, xeral de subvencións.

7º Lei 30/1992, do 26 de novembro, de réxime xurídico das administracións públicas e do procedemento administrativo común.

Artigo 2º.-*Orzamento e contía.*

1. As axudas concederanse con cargo á aplicación orzamentaria 12.02.432A.770.0, dos orzamentos xerais da Comunidade Autónoma de Galicia para o ano 2008, por un importe de 122.229 euros, e, con cargo aos orzamentos de 2009, a cantidade de 160.460 euros.

2. A contía máxima adxudicada por medio desta orde ascende a douscentos oitenta e dous mil seiscientos oitenta e nove euros (282.689 €).

3. As axudas terán carácter plurianual: o 43,23% pagarase no ano 2008 e o 56,77% restante no ano 2009.

4. Estas axudas son compatibles con outras axudas ou subvencións outorgadas por outras administracións ou entes públicos ou privados, nacionais ou internacionais, se o importe total que percibirá o beneficiario non supera a porcentaxe máxima do investimento.

Artigo 3º.-*Importe máximo das subvencións.*

1. Tradución para outras linguas de obras redactadas orixinariamente en galego

1.1. Para a tradución ás linguas da Península Ibérica, a contía de cada subvención fíxase entre 20 e 30 (vinte e trinta) euros por páxina.

1.2. Para a tradución ás restantes linguas, a contía fíxase entre os 25 e os 50 (vinte e cinco e cincuenta) euros por páxina.

1.3. A axuda non pode superar, en ningún caso, os 6.000 euros.

2. Tradución para o galego de obras publicadas orxinariamente noutras linguas.

2.1. As obras publicaranse en galego, segundo a lexislación vixente.

2.2. Para a tradución de obras publicadas en linguas distintas do galego, a axuda consiste no pagamento dunha porcentaxe da tradución, que oscilará entre o 50% e o 75% do importe fixado no contrato do tradutor, sen superar en ningún caso os 6.000 euros.

Artigo 4º.-*Beneficiarios.*

1. Poderán optar a estas axudas todas aquelas entidades que acrediten a súa condición de editoras, coas limitacións que establece o punto seguinte deste artigo.

2. Non poden beneficiarse das axudas recollidas nesta orde aquelas persoas xurídicas que se atopan nos supostos previstos nos puntos 2º e 3º do artigo 10 da Lei 9/2007, do 13 de xuño, de subvencións de Galicia.

Artigo 5º.-*Presentación de solicitudes, prazo e documentación.*

1. Os editores que desexen acollerse aos beneficios desta orde deben presentar a correspondente petición, de acordo cos modelos de instancia que figuran como anexos desta orde, no rexistro xeral da Consellería de Cultura e Deporte ou nos rexistros das delegacións provinciais desta, sen prexuízo do establecido no artigo 38.4º da Lei 30/1992, do 26 de novembro, de réxime xurídico das administracións públicas e do procedemento administrativo común.

2. O prazo de presentación fíxase nun mes, contado a partir do día seguinte ao da publicación desta orde no *Diario Oficial de Galicia*.

3. Presentarase unha solicitude por cada obra, segundo os modelos que figuran como anexos I e II, á que se lle xuntará a documentación indicada nas bases específicas para a concesión das axudas, así como a seguinte documentación xeral, que só se presentará unha vez, no caso de varias solicitudes da mesma editorial:

a) Fotocopia do CIF da entidade e do NIF do representante.

b) Acreditación da personalidade do solicitante e da súa representación, mediante fotocopia da escritura pública de constitución ou modificación, de ser o caso, da sociedade, e do poder notarial correspondente, ambos os dous documentos debidamente inscritos no Rexistro Mercantil ou no rexistro que corresponda, de non ser sociedade mercantil.

c) Fotocopia do último recibo do imposto de actividades económicas, ou certificado de exención, no caso de proceder.

d) Certificación orixinal da conta bancaria, onde conste como titular a empresa solicitante.

e) O catálogo actualizado da produción realizada pola editorial.

f) Unha declaración responsable das axudas solicitadas ou percibidas polas obras presentadas.

4. A documentación relacionada nos puntos a e b poderá substituírse por unha declaración do presidente ou director da editorial en que se faga constar que esta documentación se atopa plenamente vixente con respecto á presentada para este mesmo fin nas convocatorias de anos anteriores.

5. A Dirección Xeral de Creación e Difusión Cultural poderá pedirilles aos solicitantes que acheguen a documentación complementaria ou orixinais que considere necesaria para acreditar os datos que figuran na solicitude, incluídos albarás, facturas, certificados de tiraxe e de distribución, etc.

6. Os beneficiarios das axudas terán a obriga de facilitar toda a información que lles requira a Intervención Xeral da Comunidade Autónoma, o Tribunal de Contas ou o Consello de Contas, no exercicio das súas funcións de fiscalización e control do destino das axudas.

7. Polo que se refire especificamente ás obras que se proxecte traducir, cómpre achegar a seguinte documentación:

a) Un calendario de investimentos para desenvolver cada proxecto editorial.

b) O modelo do contrato que a editorial asinaría co tradutor da obra, consonte o establecido na Lei de propiedade intelectual, no que debe constar o importe da tradución.

c) Un exemplar completo da obra para a que se solicite a axuda.

d) O xustificante de ter os dereitos precisos para a publicación da obra.

e) O *curriculum* do tradutor

8. A presentación da solicitude de concesión de axuda ou subvención pola persoa ou entidade interesada comporta a autorización ao órgano instrutor – neste caso, a Consellería de Cultura e Deporte – para solicitar de oficio e de forma telemática as consultas de se atopar ao día nas obrigas fiscais e tributarias, que deben emitir a Axencia Estatal de Administración Tributaria, a Tesorería Xeral da Seguridade Social e a Consellería de Economía e Facenda da Xunta de Galicia.

9. Esta consulta farase de oficio e de forma telemática. No caso de que para o órgano instrutor non fose posible a obtención desta información, poderá requirirla directamente ao solicitante.

Artigo 6º.-*Emenda das solicitudes.*

Se a documentación presentada fose incompleta ou presentase erros emendables, requirirase o solicitante para que, no prazo de 10 días hábiles, rectifique a falta ou xunte os documentos preceptivos, coa advertencia de que, de non o facer, teráselle por desistido da súa solicitude, segundo o disposto no artigo 20.5º da Lei 9/2007, do 13 de xuño, de subvencións de Galicia.

Artigo 7º.-*Instrución e selección das solicitudes.*

1. Correspóndelle á Dirección Xeral de Creación e Difusión Cultural a instrución do procedemento de concesión de subvencións, e desenvolverá de oficio cantas actuacións considere necesarias para a determinación, coñecemento e comprobación dos datos en virtude dos que deba formularse a proposta de resolución.

2. A comisión avaliadora a que fai referencia o punto 2º do artigo 1 estará constituída polos seguintes membros:

-Presidente: a subdirectora xeral de Creación e Difusión Cultural.

-Vogais: o xefe do servizo de Bibliotecas e a xefa do servizo do Libro e Publicacións.

-Un funcionario, designado polo director xeral de Creación e Difusión Cultural, que actuará como secretario.

3. Esta comisión valorará os expedientes consonte os seguintes criterios, por orde decrecente de prioridade e coas puntuacións máximas que figuran na relación:

a) Calidade da obra, atendendo a criterios de estrutura, rigorosidade e coherencia: ata 12 puntos.

b) Para as obras publicadas orixinariamente en galego e que se proxecte verter a outras linguas:

b.1) Formación de coleccións, acreditada mediante o plan editorial: ata 12 puntos.

b.2) Calidade da lingua, atendendo á súa achega á lingua e á cultura galegas: ata 10 puntos.

c) Interese xeral da obra, en atención ao seu interese intrínseco, maior esforzo editorial, dificultade de comercialización ou ir destinadas a minorías da nosa sociedade con dificultades de acceso á cultura escrita: ata 10 puntos.

d) Calidade das obras contidas no catálogo: ata 8 puntos.

e) Fondo editorial en galego ou relacionado con Galicia do editor solicitante: ata 6 puntos.

f) Esfuerzo que supón para o editor a incidencia da obra en ámbitos de especial importancia cultural, mais de pouca demanda comercial: ata 5 puntos.

No suposto de que algunha entidade non acepte a axuda ou renuncie a esta, o órgano instrutor poderá formular proposta de resolución complementaria, adxudicando o importe dispoñible ás solicitudes valoradas pola comisión e que non acadaron axuda por límites orzamentarios, de acordo coa orde de puntuación establecida.

Artigo 8º.-Resolución.

1. Á vista da proposta de resolución, a conselleira de Cultura e Deporte da Xunta de Galicia ditará a resolución que proceda, motivada, con indicación do obxecto e o importe do proxecto subvencionado, e a contía da axuda concedida.

2. O prazo máximo para ditar e notificarlles aos interesados a resolución expresa non poderá superar os nove meses, segundo establece o artigo 23.4º da Lei 9/2007, do 13 de xuño, de subvencións de Galicia. O prazo computarase a partir da publicación desta convocatoria.

3. De conformidade co artigo 13.4º da Lei 4/2006, do 30 de xuño, de transparencia e boas prácticas na administración pública galega, a consellería publicará, na súa web oficial, a relación de beneficiarios e o importe das axudas concedidas, polo que a presentación da solicitude leva implícita a autorización para o tratamento necesario dos datos dos beneficiarios e da súa publicación polo citado medio.

4. Consonte o artigo 16.1º da Lei 9/2007, do 13 de xuño, de subvencións de Galicia, as axudas outorgadas ao abeiro desta orde figurarán no Rexistro Público de Axudas, Subvencións e Convenios.

5. Calquera alteración das condicións tidas en conta para a concesión da subvención e, en todo caso, a obtención concorrente de subvencións ou axudas outorgadas por outras administracións ou entes públicos ou privados, nacionais ou internacionais, poderá dar lugar á modificación da resolución da concesión.

Artigo 9º.-Desestimación e recursos.

1. A resolución da convocatoria producirase como máximo no prazo previsto no artigo 8 desta orde. No suposto de que non recaese resolución expresa dentro do prazo máximo previsto, o sentido do silencio será negativo e faculta o interesado para entender desestimada a súa solicitude.

2. No caso daquelas solicitudes que resultasen desestimadas, os solicitantes poderán retirar a documentación presentada.

3. Contra os actos resolutivos, que esgotan a vía administrativa, poderá a persoa interesada interpor un recurso contencioso-administrativo ante o Tribunal Superior de Xustiza de Galicia, no prazo de dous meses, contados desde a recepción da notificación da resolución ou, potestativamente interpor, no prazo dun mes desde a recepción da resolución, un recurso de reposición diante da conselleira de Cultura e Deporte.

Artigo 10º.-Aceptación, xustificación e pagamento.

1. Notificada a resolución definitiva polo órgano competente, os interesados propostos como beneficiarios

disporán dun prazo de 10 días para a súa aceptación, transcorrido este sen que se producise manifestación expresa, entenderase como tacitamente aceptada.

2. Os pagamentos deben garantirse cun aval, de acordo coa normativa vixente en materia de axudas e subvencións.

3. A contía correspondente á primeira anualidade librarase antes do 1 de novembro de 2008, tras a aceptación da axuda por parte do beneficiario e da entrega dunha fotocopia compulsada do contrato asinado co tradutor, así como do aval a que fai referencia o punto 2 deste artigo. Para o pagamento da segunda anualidade debe presentarse, antes do 1 de novembro de 2009, o xustificante do pago realizado ao tradutor, así como 5 exemplares da tradución editada.

4. O libramento do importe da axuda, mesmo nos dous prazos das plurianualidades, realizarase de acordo coa normativa orzamentaria aplicable.

Artigo 11º.-Obrigas dos beneficiarios.

1. Os beneficiarios desta axuda quedan suxeitos ás obrigas recollidas no artigo 11 da Lei 9/2007, do 13 de xuño, de subvencións de Galicia.

2. Os beneficiarios da subvención farán constar en toda a publicidade xerada que recibiron unha subvención da Consellería de Cultura e Deporte, a través da Dirección Xeral de Creación e Difusión Cultural, para o que utilizarán a normativa de imaxe corporativa da Xunta de Galicia, e cumprirán, así mesmo, coa normativa vixente exixida para o depósito legal.

3. No momento da xustificación da execución total do proxecto e, en calquera caso, antes do último pagamento, o petionario deberá presentar unha declaración complementaria das axudas solicitadas, tanto as aprobadas ou concedidas coma as pendentas de resolución, para o mesmo proxecto, das distintas administracións públicas competentes, ou calquera dos seus organismos, entes ou sociedades.

Artigo 12º.-Reintegro da axuda e procedemento sancionador.

1. Procederá o reintegro, total ou parcial, das subvencións e axudas públicas percibidas cando concorran calquera das circunstancias previstas no título II da Lei 9/2007, do 13 de xuño, de subvencións de Galicia.

2. No caso de que o beneficiario da axuda incumprise algunha das condicións ou obrigas estipuladas, a Consellería de Cultura e Deporte instruirá o correspondente expediente sancionador, de conformidade co previsto no título IV da Lei 9/2007, citada no punto anterior.

Disposicións derradeiras

Primeira.-Facúltase o director xeral de Creación e Difusión Cultural para ditar, no ámbito das súas competencias, as resolucións precisas para o desenvolvemento desta orde.

Segunda.-Esta orde entrará en vigor ao día seguinte ao da súa publicación no *Diario Oficial de Galicia*.

Santiago de Compostela, 27 de maio de 2008.

Ánxela Bugallo Rodríguez
Conselleira de Cultura e Deporte



XUNTA DE GALICIA
CONSELLERÍA DE CULTURA
E DEPORTE

ANEXO I

PROCEDEMENTO SUBVENCIÓNS PARA A PROMOCIÓN, PRODUCCIÓN E EDICIÓN DO LIBRO GALEGO, NO QUE SE REFIRE Á TRADUCIÓN PARA OUTRAS LINGUAS DE OBRAS PUBLICADAS ORIXINARIAMENTE EN GALEGO E PARA A TRADUCIÓN PARA O GALEGO DE OBRAS PUBLICADAS ORIXINARIAMENTE NOUTRAS LINGUAS	CÓDIGO DO PROCEDEMENTO CD221C	DOCUMENTO SOLICITUDE
--	---	--------------------------------

DATOS DO/DA SOLICITANTE

EMPRESA / ENTIDADE		CIF	
ENDEREZO		PROVINCIA	
LOCALIDADE	CÓDIGO POSTAL	TELÉFONO	FAX

E, na súa representación

APELIDOS	NOME	NIF
ENDEREZO	PROVINCIA	
LOCALIDADE	CÓDIGO POSTAL	TELÉFONO

DATOS DA SUBVENCIÓN SOLICITADA

PROXECTO QUE SE VAI REALIZAR	
ÁMBITO TERRITORIAL DA REALIZACIÓN DO PROXECTO	
CANTIDADE SOLICITADA	CONTÍA DO PROXECTO
0,00 €	0,00 €

DOCUMENTACIÓN COMPLEMENTARIA

<input type="checkbox"/>	FOTOCOPIA NIF OU CIF DA ENTIDADE
<input type="checkbox"/>	ACREDITACIÓN DA PERSONALIDADE DO SOLICITANTE E DA SÚA REPRESENTACIÓN
<input type="checkbox"/>	COPIA DO ÚLTIMO RECIBO DO IAE OU CERTIFICADO DE EXENCIÓN.
<input type="checkbox"/>	CERTIFICADO ORIXINAL DA CONTA BANCARIA
<input type="checkbox"/>	CATÁLOGO ACTUALIZADO DA PRODUCCIÓN DA EDITORIAL
<input type="checkbox"/>	DECLARACIÓN DE AXUDAS SOLICITADAS OU PERCIBIDAS

OBSERVACIÓNS:

--

Quen abaixo asina **DECLARA QUE**: presta expresamente o seu consentimento á Consellería de Cultura e Deporte para que, de acordo co establecido nos puntos 3º e 4º do artigo 13 da Lei 4/2006, do 30 de xuño, de transparencia e boas prácticas na Administración pública galega e no Decreto 132/2006, do 27 de xullo, polo que se regulan os rexistros públicos creados nos artigos 44 e 45 da Lei 7/2005, do 29 de decembro, de orzamentos xerais da Comunidade Autónoma de Galicia para o ano 2006, publique as subvencións concedidas ao abeiro desta orde no *Diario Oficial de Galicia*, na súa páxina web oficial e nos rexistros públicos referidos, con expresión da entidade beneficiaria, da contía e a súa finalidade, no xeito que determine o órgano competente.

LEXISLACIÓN APLICABLE

- Orde do 27 de maio de 2008 pola que se establecen as bases reguladoras para a concesión, en réxime de concorrencia competitiva, das axudas para a promoción, produción e edición do libro galego, no que se refire á tradución para outras linguas de obras publicadas orixinariamente en galego e á tradución para o galego de obras publicadas orixinariamente noutras linguas, e se procede á súa convocatoria para o ano 2008.
- Lei 9/2007, do 13 de xuño, de subvencións de Galicia.
- Decreto 287/2000, do 21 de novembro, polo que se desenvolve o réxime de axudas e subvencións públicas da Comunidade Autónoma de Galicia, no que non se atope derogado.
- Lei 16/2007, do 26 de decembro, de orzamentos xerais da Comunidade Autónoma de Galicia para o 2008.
- Lei 4/2006, do 30 de xuño, de transparencia e boas prácticas na Administración pública galega.
E supletoriamente:
- Lei 38/2003, do 17 de novembro, xeral de subvencións.
- Real decreto 887/2006, do 21 de xullo, polo que se aproba o Regulamento da Lei 38/2003, do 17 de novembro, xeral de subvencións.
- Lei 30/1992, do 26 de novembro, de réxime xurídico das administracións públicas e do procedemento administrativo común.

SINATURA DO/DA SOLICITANTE OU PERSOA QUE O REPRESENTA

En _____, _____

(Para cubrir pola Administración)

RECIBIDO

REVISADO E CONFORME

NÚMERO DE EXPEDIENTE

DATA DE ENTRADA

DATA DE EFECTOS

DATA DE SAÍDA

ANEXO II

DECLARACIÓN EXPRESA DE AXUDAS SOLICITADAS E CONCEDIDAS PARA AS MESMAS ACTUACIÓN, E DECLARACIÓN DE NON SE ACHAR INCURSO EN NINGUNHA DAS PROHIBICIÓN PARA OBTEN A CONDICIÓN DE BENEFICIARIO DE AXUDAS

Don/Dona con DNI nº
 en nome e representación da entidade
 con NIF nº

DECLARA, BAIXO A SÚA RESPONSABILIDADE:

Que para a actuación denominada

a devandita entidade solicitou ou obtivo as axudas que se relacionan a continuación:

AXUDAS CONCEDIDAS			
ORGANISMOS	ANO	IMPORTE (€)	DISPOSICIÓN REGULADORA
<input type="text"/>	<input type="text"/>	<input type="text"/>	<input type="text"/>
<input type="text"/>	<input type="text"/>	<input type="text"/>	<input type="text"/>
<input type="text"/>	<input type="text"/>	<input type="text"/>	<input type="text"/>
<input type="text"/>	<input type="text"/>	<input type="text"/>	<input type="text"/>
<input type="text"/>	<input type="text"/>	<input type="text"/>	<input type="text"/>
<input type="text"/>	<input type="text"/>	<input type="text"/>	<input type="text"/>

AXUDAS SOLICITADAS			
ORGANISMOS	ANO	IMPORTE (€)	DISPOSICIÓN REGULADORA
<input type="text"/>	<input type="text"/>	<input type="text"/>	<input type="text"/>
<input type="text"/>	<input type="text"/>	<input type="text"/>	<input type="text"/>
<input type="text"/>	<input type="text"/>	<input type="text"/>	<input type="text"/>
<input type="text"/>	<input type="text"/>	<input type="text"/>	<input type="text"/>
<input type="text"/>	<input type="text"/>	<input type="text"/>	<input type="text"/>
<input type="text"/>	<input type="text"/>	<input type="text"/>	<input type="text"/>

Así mesmo, a entidade comprométese a comunicar inmediatamente cantas axudas solicite ou obteña para as mesmas actuacións doutras administracións públicas ou doutros entes públicos ou privados, nacionais ou internacionais, a partir da data desta declaración.

Así mesmo, o representante DECLARA que non se atopa incurso en ningunha das prohibicións para obter a condición de beneficiario recollidas nos puntos 2º e 3º do artigo 10 da Lei 9/2007, do 13 de xuño, de subvencións de Galicia.

E para que así conste ante a Consellería de Cultura e Deporte, asina esta declaración no lugar e data abaixo indicados.

En o

(Sinatura e selo da entidade)